

Delegatkinja Nermina Kapetanović postavila je pitanje Ministarstvu sigurnosti BiH i Tužilaštvu BiH, koje glasi:

“Sve su učestaliji napadi kako na povratnike tako i na zvaničnike IZ, vjerske objekte i imovinu Islamske zajednice. Šta će Ministarstvo sigurnosti BiH uraditi na rješavanju ovih problema?”

Delegatkinja Nermina Kapetanović je također uputila inicijativu Vijeću ministara BiH i Zajedničkom kolegiju oba doma Parlamentarne skupštine BiH, koja glasi:

“Dana 4.9.2014. u Rudniku mrkog uglja u Zenici u jami Raspotočje dogodila se stravična rudarska nesreća u kojoj je život izgubilo pet rudara. Bez svojih očeva ostalo je 11-tero nezbrinute rudarske djece čiji su očevi u borbi za crni kruh za svoju djecu silazili u najopasniju rudarsku jamu u BiH, u kojoj su se i ranije događale velike rudarske nesreće. Kao osoba duboko senzibilizirana za sudbine svih rudara BiH, kao stanovnica grada Zenice i poslanica koja je svojim amandmanima 2004. godine u Predstavničkom domu Parlamenta FBiH uspjela obezbijediti 2.000.000 KM iz budžeta FBiH za nabavku zaštitne opreme rudarima Rudnika Zenica, molim kolege oba doma Parlamentarne skupštine BiH i članove Vijeća ministara da se u znak ljudske solidarnosti prema porodicama i djeci poginulih rudara odreknu jedne dnevnice, a uz to tražim od predsjedavajućeg Vijeća ministara BiH da, po uzoru na Vladu FBiH, iz sredstava budžeta Vijeća ministara BiH izdvoji sumu novca koja će predstavljati znak solidarnosti delegata, poslanika i članova Vijeća ministara BiH prema djeci poginulih rudara.”